

# Professer avra portas per tuts students rumantschs

Studegar lingua e cultura a Turitg pon era absolvents d'autras universitads

CUN RICO VALÄR HA DISCURRÌ  
CLAUDIA CADRUWI / ANR

■ Per s'approfondar en la cultura rumantscha è l'universitat da Turitg in lieu ideal. Rico Valär porscha a ses students in'invista spannegianta en il svilup da la litteratura en tut sias collurs idiomaticas. Il proxim semester tracta il professer perfin la politica da lingua actuala. Valär ha surpiglià la stad passada la professura rumantscha.

*Ifa gist gust da vegin a studegar a Turitg sch'ins vesa Voss program (guarda fanestra). Tgeninas da Vossas preleciun tschernissas Vus, sche Vus fissaas sez anc student?*

**Rico Valär:** L'interessant è ch'jau poss mez definir ils temas. Betg perquai ch'jau savess già ordavant tge ch'igl è lura da raquintar, mabain perquai ch'jau hai l'occasiun da ma deditgar a questi temas cun preparar las lecziuns. Gist mias duas emprimas preleciuns – «istoria da la litteratura rumantscha» ed «analisa narratologica dad ovras rumantschas» – èn propi temas che m'interessestan.

**«La Canzun de sontga Margriata» ma era «Da chegl tgi streias on confessio» u descripcziuns topograficas da Durich Chiampel tractais Vus en l'istoria da litteratura. Co chattais Vus il material?**

Nus avain la fortuna che l'istoria da nossa litteratura ed era sias funtaunas èn documentadas fitg bain, per exempl en la Crestomazia, en ovras da Gion Deplazes, Reto Bezzola, Clà Riatsch u Lucia Walter. Questas ovras da base legel e relegel jau quasi mintgadi per preparar mias preleciuns.

**Sco professer stuais Vus pia era anc emprender?**

Absolut. Al cumentzament d'ina professura èsi cler che la buscha n'è anc betg uschè plaina. Per mintga nov tema ston ins leger massas da cudeschs.

**En l'analisa narratologica n'examinais Vus cun Voss students betg mo texts rumantschs, mabain era texts da Homer, Dante Alighieri, Daniel Dafoe u in Sherlock Holmes.**

Cun studegar lingua e litteratura rumantscha na sa chattan ins mai en in spazi isolà. Il rumantsch ha – era pervi da sia istorgia da contact linguistic e cultural – avert tut las fanestras vers autras litteraturas. Quai ma fascinescha vi da quest rom. Jau empov da mussar als students ed a las studentas che nus na studegiain betg mo la pitschna litteratura rumantscha, mabain che nossa litteratura è sco in trampolin vers la litteratura dad autras linguas. Quai che nus emprendain cun leger litteratura rumantscha, pudain nus duvrar er per leger autras litteraturas.

**Ifa in interessant effect sch'ins tschenna texts da la pitschna litteratura rumantscha sper texts da grondas linguas.**

La varietat da fenomens litterars en ina pitschna lingua è da principi precis la listessa sco en ina gronda.

**Ed ils instruments dad analisar restan era ils medems, tant per texts rumantschs sco per texts englishs?**

Ils instruments da basa schon. Ma en ina pitschna lingua èsi era impurtant da considerar il context particular. Lejer e scriver litteratura rumantscha capita en



Nagin starmet da temas difficults – Rico Valär tracta il semester d'atun l'actuala politica da linguas. La stad passada ha el surpiglià la professura per litteratura e cultura rumantscha a Turitg.

FOTO C. CADRUWI

in spazi pli stretg, vul dir, ins enconuscha in l'auter. Quai po avair ina influenza co ch'ins scriva u co ch'ins legia. U per exempl: in Guglielm Gadola che scriva per «Il Glogn» survegn oz ina incumbensa e damaun sto el dar giu ses text. Per analisar e valitar in tal text, èsi impurtant d'enconuscher quest context.

En «Actualitads da la politica linguistica rumantscha» tractais Vus il proxim semester problems cun ils quals la Rumantschia ha da sbatter: scola, medias, subvenziuns, standardisaziun etc. N'en students che vegin a gisst dal gimnasi betg surdumandads?

En in tal seminari na vai gea betg per far politica, mabain per emprender d'enconuscher la situaziun actuala e sia istorgia. Tar mintgin da questi temas datti artitgels da gasetta, contribuziuns da radio u per part artitgels scientifics e cun quels pon ins cumenzar a chapir da tge ch'is tracta. Al cumentzament da mintga studi datti temas che surdu-

## En mintga studi datti l'emprim temas che surdumondan – qui motivescha era

mondan. Mia experientscha personala è stada che quai motivescha da studegar. Ins bada lura tge ch'ins po anc tut emprender. Sch'in tema ma fascinescha, svegli l'interest er sch'jau na chapesch betg mintga detagl ed ins po pensar: Bain, jau less uss m'approfundar en quest tema.

**Co èsi lura stà durant Voss studi? Hai era dà chaussas che Vus n'avais l'emprim betg chapì?**

Massas. Massas.

**In exempl?**

En il rom principal hai jau studegià linguas neolatinas e l'emprim han ins tractà l'istoria da questas linguas. Igl era dad encleger co ch'ins vegn dal latin al franzos, u al spagnol, talian, catalan u rumantsch. Jau hai pensà, o Dieus, quai n'enclieg jau mai. Ma jau hai vułi chaper e gisst quai è stà la motivaziun. U l'analisa narratologica – in grond tema tar professer Clà Riatsch, ubain las poesias dad Andri Peer: Jau aveva l'impre-

sion da mai pudair encleger ellas. A la fin dal studi hai jau vis, cun mintga lectura d'ina poesia chapesch jau dapli. Quai è precis il bel vi da mintga studi.

**Tge sto ina studenta u in student savat sch'el less studegar lingua e litteratura rumantscha a Turitg?**

Insè ston ins be savair discurrer e leger rumantsch. Nus avain era students ch'en creschids si en la Bassa cun in bab u ina mamma rumantscha. Els san discurrer rumantsch, ma ston anc emprender da scriver. Nus avain era students ch'emprendan pir rumantsch. Nus dain curs da vallader e da sursilvan e da rumantsch grischun. Impurtant è da savair leger e discurrer e d'avoir l'interest da scuvrir la lingua e sia litteratura.

**Quants students vegin cun ina fitg bona cumpetenza da scriver?**

La gronda part ha ina matura cun rumantsch, circa 80 pertschient. Ma ina matura rumantscha na signifita betg automaticamain ch'ins è già bun da scriver rumantsch sin in nivel scientific u intellectual. Questa pussaivladad porcha il studi: sviluppar vinavant ses stil da scriver ed empruvdar da formular per rumantsch er reflexiuns complexas.

**Rumantsch studegian ins a Turitg sco rom lateral. Pertge duess insatgi che studegia per exempl biologia sco rom principal anc prender rumantsch?**

L'emprima motivaziun è seguir l'interest: Sch'insatgi s'interessescha per la lingua e litteratura, duess el era pudair studegar quella. In auter motiv po esser il martgà da lavour: Gist en il Grischun han ins cun in studi da rumantsch segir bunas schanzas da chattar plazzas sco magister, translatur, schurnalista u employada da l'administraziun chantunala u tar la Lia Rumantscha. Era cumbinaziuns spezialas èn adina tschertgadas. Gist cun biologia e rumantsch han ins in profil perfetg sco magister per la matura bilingua. La cumbinaziun ideala è naturalmain cun in'autra lingua e litteratura, lura profitan ins il pli fitg. Magisters da gimnasi e magisters secundars cun ina bona furmaziun rumantscha èn simplamain impurtantischems per il futur da nossas scolas rumantschas.

**La gronda part da las universitads svizras na porschan betg rumantsch. Mo a Turitg, Friburg e Genevra exista**

ser che dat traïs u quatter preleciuns l'emma insumma tschel temp?

Apunta, igl è da preparar las lecziuns, tge ch'è ina gronda lavour. Jau tegn era blers referats – duas fin traïs giadas il mais, l'ultim temp a Glion, Samedan, Lumbrein, Buchs, Zuoz, Genevra ed en Bretagna. Jau tegn preleciuns rumantschas a Son Gagl. È lura datti projects da retschertga. Ins ha dad accumpagnar las lavurs da retschertga da students e doctorands, ins sostegna els per lur referats. Bler da far dat era l'administraziun universitara: sviluppar programs da studi, ir a sedutas da l'institut, da la facultad e da l'universitat. Gist per in pitischen rom èsi impurtant dad esser present ed engaschà per ch'ins na vegin betg emblidà.

**Vus essas stà dal 2011 fin il 2013 assistent da Voss antecessur Clà Riatsch ed avais gi invista en il manaschi academic. Hai tuttina dà surprisas cura che Vus avais cumenza sco professer?**

En mintga cas. Ina surprisa è stada quanta lavour ch'ì dat da preparar ina preleciun, ch'jau dovr per ina lecziun da 45 minutus bunamain otg uras. Quai n'avess jau betg spetgà. Lura era quantas dumondas ch'jau survegn per referats u moderaziuns. Ma jau hai plachair da questa sfida, da lavourar cun ils students. Igli è fitg impurtant che nus possian tegnair il dumber da students, betg mo per la buna atmosfera ed il stgomi qua a Turitg, mabain per che nus hajan persunas scoladas per sviluppar, intermediar e perscrutar vinavant il rumantsch.

**Tge differenza datti tar ina professura gronda?**

Mias portas èn adina avertas. Mintga student interessà ma po telefonar e scriver in e-mail. Jau survegn era blers dumondas da gimnasiasts che scrivan lavurs da matura davart il rumantsch u da students da scolas pedagogicas. Era per schurnalists che fan retschertgas sun jau ina persuna da contact. Sch'in professer ha 600 students na po el betg prestar quai. Nus avain qua 20 fin 25 students. La pli gronda differenza è damai che tut las studentas e tut ils students enconuschan l'in auter e che jau als poss sussegnair individualmain.

## La litteratura rumantscha è sco in trampolin vers litteraturas d'autras linguas

**E l'administraziun?**

Na, l'administraziun è en questi cas fitg simpla. Ins ha la listessa «Legi».

**Ins na sto betg avair starmet dad impediments?**

Na. Ed a partir da la stad avainsa in nov program da studis ed ina buna part dal studi nun è temp da preschientzcha. Nus avain era preleciuns online, pen-sums da lectura, examens a bucca u lavurs scrittas ch'ins prepara individualmain a chasa. Ina buna part dals puncts dad ECTS pon ins damai era far a Basilea, Lucerna u insanua auter senza vegnir a Turitg.

**Ed il master?**

Ins po era cumenzar cun rumantsch pir en il master. Sch'ins ha pia fatg il bachelor en dretg, chinalis u istoria, pon ins cumenzar en il master cun novs roms. Ed era sch'insatgi fa il master en filosofia u in master en communicaziun, datti adina la pussaivladad da cumbinar quai cun rumantsch. Nus avain plirs students che fan rumantsch pir en il master.

**Las portas èn adina avertas.**

Jau avr tut las portas ch'en pussaivlas e stun adina gugent a disposiziun.

**La stad passada avais Vus surpiglià la professura per litteratura e cultura rumantscha a Turitg. Tge fa in profes-**

## Ina giada ina preleciun per students tudestgs

En ses emprim semester ha Rico Valär purschi ina preleciun davart l'istoria da litteratura cun radund quaranta funtaunas sco «La passiun da Sumvitg», «La chianzun dalla guerra dalg Chiaste da Müs» u «Da chegl tgi streias on confessio». En quest semester analyseschan il professer cun ses students la narratologia da texts rumantschs – adina era cun in tschit sin exempels litterars d'autras linguas.

Il proxim semester d'atun sa drizza la professura rumantscha era ina giada a students da lingua tudestga cun la preleciun «Heimatliteratur – il laud dal mund paurl e muntagnard» cun Jeremias Gotthelf, Johanna Spyri, Selina Chönz, Tina Truog-Saluz, G.C. Muoth e blers auters.

Materia pretensiua e pia era captivativa empermetta la preleciun davart «actualitads da la politica linguistica rumantscha» che Valär tegna medemamain il semester d'atun.